



PREZIDÉNSIA KONSELLU MINISTRUS

VII GOVERNUN KONSTITUSIONÁL

Dili, loron 20 fulan-marsu tinan 2018

KOMUNIKADU IMPRENSA

Pedidu Adisionál sira kona-ba Auditoria ba Kámara Kontas TSAFK nian

Iha segunda ne'e, loron 20 fulan-marsu tinan 2018, Primeiru-Ministru, Marí Alkatiri, formaliza ona pedidu kona-ba auditoria ba operasaun jestaun finanseira no konta TIMOR-GAP – Timor Gás & Petróleu, E.P., nian husi atuál Autoridade Nasionál Petróleu no Minerais Timor-Leste (ANPM), no husi Servisu Nansionál Kadastru Timor-Leste nian, ne'ebé maka kobre períodu korrespondente ba lejlzatura dahikus, *i.e.*, husi loron 9 fulan-agostu tinan 2012 to'o loron 14 fulan-setembru tinan 2017.

Pedidu ne'e mai hafoin solisitasaun iha loron 6 fulan-fevereiru no loron 20 fulan-marsu atu hala'o auditoria sira ba operasaun jestaun finanseira no konta nian hotu-hotu husi Autoridade Rejiaun Administrativa Espesiál Oekusi Ambenu (ARAEOA), ne'ebé kobre períodu tinan 2016 to'o agora, no Tezouru, Ministériu Obras Púplikas, Transportes no Komunikasoins, ADN, Fundu Infraestrutura no Ministériu Turizmu nian, ne'ebé kobre períodu korrespondente ba lejlzatura dahikus.

Iha karta ne'ebé maka dirije ba Prezidente Tribunál Rekursu no Tribunál Superiór Administrativu, Fiskál no Kontas, Juíz Deolindo dos Santos, Primeiru-Ministru justifika kona-ba pedidu auditoria nian hodi deklara katak "jestaun país nian tenke regula, iha momentu hotu-hotu, husi prinsípiu rigór, transparénsia no responsabilizasaun nian. Lahó exesaun. Tanba ne'e, presiza duni atu garante transparénsia iha Administrasaun Públika, hodi promove kultura rigór no responsabilizasaun nian ida iha jestaun kona-ba rekursu finanseiru sira Estadu nian." **REMATA**



Palácio do Governo,
Avenida Presidente Nicolau Lobato,
Dili, Timor-Leste

ddndigovtl.09@gmail.com
(+670) 33 310 608